

Нурилла ОРИПОВ

УМИД ШУЪЛАСИ

(шерлар)

**Қарши
«Насаф» нашриёти
2005**

84(59)6-5

Юракдаги туйғуларга исм изламоқ тугёни кўнгилни шеър мулкига бошлаб боради. Ижодкор Нурулло Ориповнинг ушбу «Умид шуъласи» китобидаги шеърлар ана шу дил тугёнларининг маҳсулидир.

Мухаррир: Йўлдошбек КЕНЖА

10 31493
081

20.05 4134 A	Alisher Navoiy nomidagi O'zbekiston Mk
--------------------	--

10

0 4702620202-343 343 -2005
376 (05) 2005

© Н.Орипов- 2005

ISBN 5-7323-0505

ИЖОДКОР ИНСОН



Нурилла Орипов 1965 йил 13 июлда Қашқадарё вилоятининг Фузор туманида туғилган.

1982 йилда ҳозирги Фирдавсий номли 7 сон ўрта мактабни тугатди. 1982-1987 йилларда Фузор қурилиш техникумида ўқиди. Ўқишни тамомлагандан буён турли соҳаларда ишлаб келади. Шеърлари туман газетасида бир неча бор эълон қилинган.

Ҳозирги кунда тадбиркорлик фаолияти билан шуғулланиб келмоқда.

Ушбу китобимни мен учун энг азиз ва суюқли инсон бўлган, ҳаётимнинг барча давларида менга ҳамдард, ҳамнафас бўлган турмуш ўртоғим Зарипова Гулсумга бағишлайман.

Муаллиф.

СЕВДИМ

Мен севдим,
Қалбимни пора этишди,
Мен севдим,
Севгимни овора этишди.
Мен севдим,
Дўстларим бағрим этди хун,
Мен севдим,
Ҳижронда қолдим туну кун.
Мен севдим,
Сен менга боқмадинг гўзал,
Мен севдим,
Ўзгани кўрибсан афзал.
Мен севдим,
Иўлимга тузоқ қўйишди,
Мен севдим,
Бизларни узоқ қўйишди.
Мен севдим,
Билишсин бу дунё, бу халқ,
Мен севдим,
Бир умр бахт юрагимда балқ!

СЕНИНГ ЖАВОБИНГ

Мен айтдим: Токи бор хузур ҳаловат,
Ғам-алам чекмоққа йўқдур ҳеч ҳожат.
Сен айтдинг: Токи бор гина-адоват,
Инсонлар ичида борму адолат?!
Мен айтдим: Севгидан топинг бахт-иқбол,
Севишган юраклар топмасин завол.
Сен айтдинг: Бор экан вафосиз баттол,
Севгидан бахт-иқбол топмоқлик маҳол.
Мен айтдим: Яхши дўст бўлса ёнингда,
Бир умр хавф солмас ўлим жонингга.
Сен айтдинг: Тушса гар мушкул бошингга,
Яхши дўст ҳам қочар келмай қошингга.
Мен айтдим: Қандайин яшамоқ даркор,
Бўлмай ҳеч ғам-алам, баттолга дучор.
Сен айтдинг: Уйладим тунлари бедор,
Лекин жавоб йўқдур, барчаси бекор.

СЕВГИМ

Тонг маҳали учрашган эдик,
Мен севгимни айладим баён.
Тинч қўймасди шубҳаю ҳадик,
Мен билдимки севганим аён.
Қалблар ёнар эди чўғ каби,
Сувга тўла оқарди анҳор.
Мажнунтолнинг ёқиш сабаби,
Шу севгидан эди хабардор.
Йул олардим толнинг тагига,
Кўзларимда ялтирарди ёш.
Қалб талпинар висол дардида,
Муҳаббатим сўрарди бардош.
Мана энди сен қуёш каби,
Нуринг сочиб ўтдинг бошимга.
Илк бор ёзиб севги мактуби,
Чақирдим мен сени қошимга.
Майли ёниб бўлайин ёхуд,
Сен ташлаган чўғнинг қурбони.
Севгим қолар мисоли ёқут,
Гу умримнинг ўтса ҳам они.

ИШҚИНГДА ЁНИБ

Сенингсиз илҳомим келмайди жўшиб,
Юрагим сенингсиз адодур-адо.
Илтимос мени ҳам олгин сен қўшиб,
Ишқингга барвақтроқ бўлдим мубтало.
Сўзларим қолмади сенга айтмаган,
Шеърларим бариси сўйлар номингни.
Балким мактубларим бориб етмаган,
Ларзага солмаган балким дилингни.
Муҳаббат- қанчалар жарангдор бу сўз,
Икки ёш юракка бергувчи илҳом.
Ишқ севги йўлидан борар неча юз,
Неча миллион унинг ҳамроҳи мудом.

ШЕЪРЛАРИМ

Илк бора қофия билан сўзладим,
Шеърият боғига кирмоқ кўзладим.
Қалбдаги армонлар билан бўзладим,
Оқ қоғоз қўйнига кўчди шеърларим.
Шеърият вужудим қамради олди,
Баъзида кўзларим, қулим ҳам толди.
Адашган пайтларим йўлига солди,
Оқ қоғоз қўйнига кўчди шеърларим.
Ҳаётим қувончи, ҳасратларимдан,
Чарчаган пайтимда ғайратларимдан.
Қалбимни забт этган муҳаббатимдан,
Оқ қоғоз қўйнига кўчди шеърларим.
Шеър ила яшадим, яшагум абад,
Шеър ила айлагум тоат ибодат.
Оллоҳдан тилагим фақат ва фақат,
Оқ қоғоз қўйнига кўчсин шеърларим.

АЁЛЛАР

Уйда ишни қойиллатиб, бозорни ҳам дўндирган.
Бошга қийиқ рўмолларни ҳилпиратиб кўндирган,
Биз эркаклар юрагини олов бўлиб ёндирган.
Ерда сизсиз ҳаёт йўқдир бор бўлинг, сиз аёллар!

Доимо сиз ташвишдасиз эрим қорни тўқми деб,
Хавотирда юрасизлар бошқа ёри йўқми деб.
Рашк қилганда қидирасиз ширин сўзи дўқми деб,
Рўзгор учун таянч сиз ҳам, қалқонсиз, сиз аёллар.

Эрта саҳар ишни бошлаб, уни тугатган тунда,
Болам, чақам хештим деб зир югурасизлар кунда.
Эрни эр ҳам, қоро ер ҳам қилганлигингиз чинда,
Камчиликсиз парвардигор дейшганку аёллар.

Пайғамбарга она бўлган, тўққан Амир Темурни,
Бир кўлида овқат қилиб, муштлагансиз хамирни.
Қучоғида бола билан оқартирган тандирни,
Бутун ҳаёт ташвишлари сизга манзур аёллар.

Барибир сиз борлигингиз учун гўзал бу олам,
Сиз бор учун муҳаббат бор - шеърлар ёзмоқда қалам.
Қадрингизга етмаганлар қилаверишсин алам,
Она, сингил, севиқли ёр бўлиб қолинг аёллар.

Момо ҳаво авлодисиз, сизга таҳсин қутловлар,
Сизни асраб эъозлайди ёш-ялангу чоллар.
Сизни ўйлаб ҳар томонга учмоқдадур хаёллар,
Бизга илҳом бағишловчи гўзалсизлар аёллар.

МУАЛЛИМ

Мақтаб эшигига кўйганда қадам,
Сиз менга онамдек бўлдингиз ҳамдам.
Ҳаёт йўлларини кўрсатиб ҳардам,
Кўзим очиб менга бердингиз таълим.
Бугун таъзим сизга устоз муаллим,
Китоблар калитин олдим қўлимга.
Қалам, дафтарларим ҳамроҳ йўлимга,
Маърифат нурини солиб дилимга.
Кўзим очиб менга бердингиз таълим,
Бугун таъзим сизга устоз муаллим.
Келажагим сизла нурафшон бугун,
Ҳаётим қувончли йўлларим гулгун.
Билим-ла ечолдим мен барча тугун,
Кўзим очиб менга бердингиз таълим,
Бугун таъзим сизга устоз муаллим.

ЯНГИ ЙИЛ

Янги йил деб аталгувчи мўъжиза бор,
Унга шерик мудом қишу оппоқ қор.
Қорбобо ҳам арча билан бўлар тайёр,
Бизга қувонч келтиргувчи янги йилим!

Янги йилда совға олар ҳамма бола,
Уйга меҳмон бўлишади амма, хола.
Дастурхонлар нозу-нематларга тўла,
Бизга қувонч келтиргувчи янги йилим.

Арча безаб қилар ҳамма ўйин-кулги,
Бири маймун ниқобида оири тулки.
Қувонмасдан бўладими янги йилки,
Бизга қувонч келтиргувчи янги йилим.

Янги йил ҳам янги бахтлар билан бўлсин,
Уймизга омад кирсин, нурга тўлсин.
Толеимиз порлоқ бўлиб диллар кулсин,
Бизга қувонч келтиргувчи янги йилим.

АРМОН

Асли бахт деб яралган одам,
Фироқлар, соғинчлар солади дилга.
Фанимат кунимиз жаннат бу дам,
Умримиз чиройи ўхшасин гулга.

Нафосат гулшани нурла яшайлик,
Насиб этсин ҳар дам севги боллари.
Ранглар жилосига чирой қўшайлик,
Ардоқда бўлишсин нав-ниҳоллари.

Гарчи бу оламда бўлса ҳам алам,
Инсонни сақлайди меҳр-муҳаббат.
Заррин нурларини бериб қуёш ҳам,
Армон аёзларин қувади, албат.

ҚУТЛОВ

Кимгадир опасиз, кимгадир она,
Бировга сингилу кимга қайнона.
Меҳр-ла қарайсиз, сўзлар дўстона.
Сизга талпинади мудом кўнгиллар,
Байрам-ла қутлайман, опа-сингиллар.

Гуллар ҳавас қилар чиройингизга,
Латофат жозоба ибонингизга.
Табасум ярашган дудоғингизга,
Сизга талпинади мудом кўнгиллар.

Ҳаёт ҳар доим ҳам сиз билан тўлиқ,
Умр давом этар, келжак ёруғ.
Сизнинг борлигингиз биз учун ютуқ.
Сизга талпинади мудом кўнгиллар,
Байрамла қутлайман опа-сингиллар.

Баҳордек очилиб яшнангиз доим,
Ташвишдан йироқда бўлинг илоҳим.
Сизни паноҳига олсин худойим,
Сизга талпинади мудом кўнгиллар.
Байрам-ла қутлайман опа-сингиллар.

АЧИНАМАН

Келмадингиз сўраб ҳол-аҳвол,
Юрак бежо, вужудим беҳол.
Ҳижрон ўртар тортади висол,
Ачинаман муҳаббатимга.

Қайда қолди у жўшқин ёшлик,
Қайнаган қон қилган бебошлик.
Севги экан кўзлари ёшлик,
Ачинаман муҳаббатимга.

Сизда ҳам бор эди муҳаббат,
Севмаганман деманг сиз фақат.
Эгилару синмас ҳақиқат,
Ачинаман муҳаббатимга.

Севгим йўли жуда ҳам вайрон,
Унутмоққа қўймади ҳижрон.
Аро йўлда қолганман ҳайрон,
Ачинаман муҳаббатимга.

НАВРҮЗ

Янгича яшаймиз хурлик истиқлол,
Халқимга келтирган буюк истиқбол.
Энди ишлаганнинг топгани ҳалол,
Халқим сенга айтай самимий тилак.
Янги йил, янги кун-Наврӯз муборак.

Янги кун туғилар янги замонда,
Наврӯз қадам кўяр ўлкам томонга.
Ранглар жилоланар тиру-камонда,
Халқим сенга айтай самимий тилак,
Янги йил, янги кун- Наврӯз муборак.

Табиат уйғонар, уйғонар борлиқ,
Дарахтлар кўз очар гулларда оқлик.
Гуллар базм қураар, кўп вақтичоқлик,
Халқим сенга айтай самимий тилак,
Янги йил, янги кун-Наврӯз муборак.

Гаштинг ўзгачадир ҳаммага аён,
Наврӯзим шодлигим ёйилган ҳар ён.
Мен ҳам юракдагин айладим баён,
Халқим сенга айтай самимий тилак,
Янги йил янги, кун- Наврӯз муборак.

СЕВГИ АЗОБИ

Қовжирар вужудим сўлиган гулдек,
Ўйларим қийнайди соғинч азоби.
Севгим ниҳоясиз, поёнсиз йўлдек,
Ўзига тортмоқда вақтнинг гирдоби.

Сизни севаману, сизга ҳеч кимман,
Сиз-ла орамизда масофа йироқ.
Сўзлашгим келару тилим лол жимман,
Қани сиз парвона, мен бўлсам чироқ.

Эртароқ очилди менинг гулларим,
Тиканлар санчилар оёқ-қўлимга.
Сизга талпинганда боғлиқ йўлларим,
Нечун яшаяпман дейман ўзимга.

СИЗГА БАҒИШЛАДИМ

Вақтдур олий ҳакам биз учун жоним,
Азиздур ҳар сония, ҳар бир кунимиз.
Зарурат ҳар йўлга солар бетиним,
Истак хоҳишларга қулдур дилимиз.
Ранг берар умрга муҳаббат асли,
Аслида чиройли севги ёр васли.
Сиз билан баҳордир ёзу кузим ҳам,
Еллар тутқич бермас хаёлларимга.
Васлингиз хуморин тортгум узим ҳам,
Ачининг сиз менинг аҳволларимга.
Мадҳингиз айладим шеърларимга жо,
Афсона тўқидим жамолингизга.
Насиб этсин дедим, қилиб илтижо,
Бунчалар севаман сизни эй, худо!

ҲАЁТ ТҲХТАМАС

Йиллар, кунлар кўринмайди унинг адоғи,
Неча бор яшнайти дарахт япроғи.
Ғоҳида осмондан ёмғир томчилар,
Қаҳратон қишларда аёз қамчилар.
Ёзнинг иссиғидан паналар вужуд,
Барча кун ўтиб бўлади унут.
Йиллар кунлар кўринмайди унинг адоғи,
Фақат кўнгилларда севги ардоғи.
Фақат юракларда муҳаббат доғи,
Қалбнинг чўққисига кўнар байроғи.
Уткинчи бу умр орта қайтмайди,
Кимлар севаман деб қизга айтмайди.
Тунлари тўлғонар бу севган тана,
Кундуз висолига талпинар яна.
Баъзан муҳаббатга қоламан ҳайрон,
Тўғридан юрмайди йўли кўп вайрон.
Кўплаб тўсиқларга урар ўзини,
Баъзан хира қилар ёлғон кўзини.
Ғоҳо ҳавасларга алданиб қолар,
Ғоҳо борса келмас йўлларга солар.
Йиллар, кунлар кўринмайди унинг адоғи,
Инсонни тарк этмас севги қийноғи.
Бир зум севганимга тушсин деб нигоҳ,
Ҳатто ўлар чоғи юрак урар оҳ.
Ҳатто танадан руҳ кетса ҳам учиб,
Севги ерга кетар юракни кучиб.
Яна бир зурриёт дунёга келар,
Улғайгач юраги севгига тўлар.
Йиллар, кунлар кўринмайди унинг адоғи,
Инсон бор, севги бор, бордур қийноғи.

КУТГАНИМ

Келажак дурдонаси,
Ўзбек-тожик боласи.
Келди гапнинг хонаси,
Мен орзиқиб кутганим.

Ўғилмисан, қизмисан,
Бир чиройли юзмисан?
Сен бизнинг юлдузмисан,
Мен орзиқиб кутганим?

Қиз бўлсанг ҳам начора,
Қўп қилмагин овора.
Ўғил бўсайдинг зора,
Мен орзиқиб кутганим.

Ўғил бўлсанг тўй қилай,
Сенга кўркам уй қилай.
Элга бош бўл, бий қилай,
Мен орзиқиб кутганим.

Тўлиб оққин сойдаин,
Ёринг бўлсин ойдаин.
Ўзинг юргин бойдаин,
Мен орзиқиб кутганим.

Ўйлантирай ўзингни,
Ўпай ўғил-қизингни.
Боссин улар изингни,
Мен орзиқиб кутганим.

Йигит бўлгин чинакам,
Мард бўл танти ва ўктам.
Сенга бахт тилай мен ҳам,
Мен орзиқиб кутганим.

УМР ЧИРОҒИ

Тез-тез буралибми унинг қулоғи,
Ё камроқ қолганми ичдаги ёғи?
Ёки ўчмоқдами ҳаёт маёғи,
Оҳиста сўнмоқда умрим чироғи.
Бир инсон умрининг ярми ўтганмас,
Рўёбга чиқмади бирорта ҳавас.
Олдинга боқаман тўхтаб бир нафас,
Оҳиста сўнмоқда умрим чироғи.
Бир ўй қийнамоқда мени нетайин,
Қайга бошим урай, қайга кетайин?
Фарзандлар камолин нега кўрмайин,
Оҳиста сўнмоқда умрим чироғи.
Тортиқ этолмадим меҳрдан бўлак,
Беролмадим нетай тўкис келажак.
Ҳади этса сизга бор яхши тилак,
Оҳиста сўнмоқда умрим чироғи.

МАРЖОНА ҚИЗИМГА

Маржондек терилиб бўйнимга,
Катта бўл, чопиб кел қўйнимга.
Баҳордек қувонч сол қўнглимга,
Маржона, Маржона, Маржона.
Тизилдинг опалар сафига,
Улғайгин қуёшнинг тафтига.
Чиқиб ол бахт қушин кафтига,
Маржона, Маржона, Маржона.
Ҳаётда ортирган нишоним,
Эртаннинг таянчи имконим.
Сен билан ободдур маконим,
Маржона, Маржона, Маржона.
Мен бўлсам оиланинг қуёши,
Аянғиз оймомо сирдоши.
Бештдасиз умримиз йўлдоши,
Маржона, Маржона, Маржона.

ШЕЪРЛАРИМ ҚОЛДИ

Севишганлар яна ёдимга солди,
Хижрон азоблари қийноққа олди.
Қалбим муҳаббатни ўйлашдан толди,
Жушиб-жушиб ёзган шеърларим қолди.
Ўттиздан ошибман, ёрдам бер фалак,
Иўлимни тополмай ҳалакман ҳалак.
Энди севги демай яшашим керак,
Жушиб-жушиб ёзган шеърларим қолди.
Энди ўтмишни ҳеч қайтариб бўлмас,
Энди болалигим ҳеч қайтиб келмас,
Не-не дафтарларга ёзилган ўлмас
Жушиб-жушиб ёзган шеърларим қолди.

СИНФДОШЛАРИМ

Мақтабга бордимۇ очилди кўзим,
Шундан сўнг танидим ўзимни ўзим.
Илк бора ёзгандим ўшанда исмим,
Бугун эслаб чиқди кўздан ёшларим.
Қайларда юрибсиз, синфдошларим?!
Беғубор болалик ўтган онимиз.
Олдинга интилдик жушиб қонимиз,
Журналларда қолди бизнинг номимиз.
Бугун эслаб чиқди кўдан ёшларим,
Қайларда юрибсиз, синфдошларим?!
Хаёт ҳаммамизни ҳар ёққа отди,
Кимдир излаб топди, кимдир йўқотди.
Кимнингдир порлаган куёши ботди,
Бугун эслаб чиқди кўздан ёшларим.
Қайларда юрибсиз, синфдошларим?!
Энди мактаб борар бизнинг боламиз.
Қалбига жойлайди синфхонамиз,
Энди орқасидан қараб қоламиз.
Бугун эслаб чиқди кўздан ёшларим,
Қайларда юрибсиз, синфдошларим?!

ТИНГЛАШСА БЎЛДИ

Шоирликни даъво қилмасман сира,
Шеърларим тилларда янграса бўлди.
Маҳкам ўрнашсаю бир неча дилда,
Ҳислар оғушида тинглашса бўлди.
Севги муҳаббатдан шеърларим куйлар,
Вафо, садоқатли ёрлар унда жо.
Ҳаёт, турмуш ҳақида қилинган ўйлар,
Худога қилинган баъзан илтижо.
Кимнингдир қувончи битилса унда,
Кимнингдир дардига шерик сўзларим.
Атрофга боқаман ўзгариш кунда,
Севинч-ла боқади бахтли кўзларим.
Умидли дунёдан умидвор бўлдим,
Баъзида хафаю баъзида кулдим.
Шеърлар оғушида овуниб юрдим,
Менга тортиқ этди буни худоим.

СИЗГА

Йиллар тўфонида тобланди қалбим,
Йиллар юрагимда қолдиришди из.
Бизни учраштирди тақдири азим,
Ҳаёт сўқмоғидан юрдик изма-из.
Нигоҳлар тўқнашар кўзлар маҳлиё,
Диллар сўзлашмоқда тиллар эса жим.
Умримга бағишланг дейман нур зиё,
Муҳаббат нури-ла ёритсин йўлим.
Севги деб аталмиш ҳис оғушида,
Фикрим хаёлларим бўлишди асир.
Сизни севишимни билдим бошида,
Йўлга тузоқларин қўйибди тақдир.
Сўқмоқлар калити сиз билан бирга,
Қалбингиз сўзига тутинг сиз қулоқ.
Мени мафтун этган сиздайин қизга,
Бахту иқбол нури тилайман ҳар чоқ.

ШОИР БОЛАМАН

Сиз томонга топайин деб йўл,
Кезиб чикдим дала, дашту чўл.
Сизга айтиб шерлар ёздим мўл,
Мен сиз билган шоир боламан.

Сизга боқиб кўзларим толган,
Вужудимни титроқлар олган.
Сизга жуда боғланиб қолган,
Мен сиз билган шоир боламан.

Излаб келдим мен йиллар ошиб,
Атадим шеър, жон дилдан жўшиб.
Сўзлар битдим қалб кўрин кўшиб.
Менсиз билган шоир боламан.

Ёрдам истаб қоғоз қаламдан,
Шеър ёзаман шодлик аламдан.
Умидим бор сиздай санамдан,
Мен сиз билган шоир боламан.

Шеърларимга мухлис бўлингиз,
Менга илҳом берган ўзингиз.
Ёдимга жо ҳар бир сўзингиз,
Мен сиз билган шоир боламан.

Бўлинг дея қувончга шерик,
Диллар севги ишонч-ла тирик.
Сизга кўнглим эмас бир кунлик,
Мен сиз билган шоир боламан.

БАНДИМАН

Неча бор сиздан юз бурмоқчи бўлдим,
Қайта- қайта қалбим сизни қумсади.
Гоҳида қайданам севибман дедим,
Аммо нетай, фақат сизни изладии.

Чорасиз боқаман, сизга, ўзимга,
Ер чизиб қоламан, йўқдур ҳеч имкон.
Тилларим айланмас айтар сўзимга,
Балким ҳаёт аччиқ, балким мен ёмон.

Билмадим кўнглингиз кимга боғланган,
Дилда истаклару мақсадлар пинҳон.
Фақат кўзларингиз менга чоғланган,
Ўртада икки дил, икки жон сарсон.

Қалбим бўзламоқда, кўз ёшга тўлди,
Ҳаловат қолмади бошдан оёқда.
Наҳотки, муҳаббат туғилди-ўлди,
Энди сизни излаб топган бир чоқда.

Мажнунтол бошидай эгилди бошим,
Қайғуларим унутдек ёйлди ҳар ён.
Яримга етишган бўлса ҳам ёшим,
Муҳаббат қўлида бандиман ҳамон.

ВАТАН

Ватан, бу кун сендаги баҳор ўзгача,
Сен учун сўзларда изҳор ўзгача.
Истиқлолинг этди бошимни баланд,
Юртимнинг иқболи илк бор ўзгача.
Ўзгача нур берар бугун қуёшнинг,
Бугун лаззатлироқ нон ила ошинг.
Энг суюқ фарзандсан она заминга,
Энди ўн тўрт баҳор кўрибди ёшинг.
Буюк ишлар учун топибсан имкон,
Ҳалқимга ризқ берган даланг бепоён.
Мен ҳам бағринг кучиб ўсган ўғлингман,
Шеър билан меҳримни этдим намоён.

МУБОРАК БЎЛСИН

Олам кулгингизга солмоқда кулоқ,
Севгимнинг шамоли келтирди дарак.
Мени мафтун этган дилбар қизалоқ,
Туғилган кунингиз бўлсин муборақ.

Ой десам, ойдан ҳам сизсиз гўзалроқ,
Кун десам ёруғсиз азал қуёшдан.
Муҳаббат чўғида ёнмоқда ёноқ,
Севгилим ёш бўлиб ўтинг юз ёшдан.

КЕЛИН-КУЁВЛАРГА

Келин турар оқ кўйлақда ой бўлиб,
Куёв тўра уйланибди бой бўлиб.
Келин- куёв таъзим қилар эгиб бош,
Ҳасадчининг кўзи оқсин тегиб тош.
Чимилдиқнинг сири кўпу гапи катта,
Орқасида турмуш қуришар шарта.
Келин озроқ уйда бўласиз безак,
Уйда мол бор қилиш керакку тезак.
Уйни шипир, овқат қил дер қайнона,
Энди сизга беганадир чин она.
Кўпам ўтмай болам чақам дейсиз,
Ким билади ўғил бўларми ё қиз?
Безанишга қоласиз вақт тополмай,
Дазмоллайсиз ахир кечда ётолмай.
Куёвда ҳам ўтар вақтинча ҳавас,
Ўз-ўзига энди ясабди қафас.
Ола хуржин асли ўзи гор бўлар,
Кўзингизга ёруғ олам тор бўлар.
Айтаверсам безиб қолманглар яна,
Ўзи ҳаёт театрдек бир сахна.
Ҳазил бўлди озроқ сизга айтганим,
Энди кўринг бу сўзимдан қайтганим.
Ҳаёт гўзал яшангизлар бахтиёр,
Тўй кўпайсин улашсин куйга ёр-ёр.
Фарзанд кўринг бўлишсин жуда омон,
Ота-она бўлингизлар қахрамон.
Уйлар қуринг, бўлсин унда барака,
Меҳр бўлсин, севги бўлсин юракка.
Қийин эмас бўлсангиз аҳил- иноқ,
Фам кўрмайсиз бўласиз жуда қувноқ

ҚИЗЛАР, АЁЛЛАР

Юлдуз салтанати осмонга боқиб,
Сирли ой юзига учар хаёллар.
Қани мен дарёдек кетолсам оқиб,
Мен севган, севмаган, қизлар, аёллар.
Жонни жисмингизга этолсам фидо,
Юзида табассум, лабида боллар.
Марварид зумраду олтиндан аъло,
Мен билган, билмаган, қизлар, аёллар.
Муҳаббат таъкибин қўймас тинимсиз,
Менда ҳам бўлмоқда қийналган ҳоллар.
Бирингиз опаю, бирлар сингилсиз,
Севган, севолмаган, қизлар, аёллар.
Ешлигим ўтдию бўлдим ўрта ёш,
Ўсдию қирқилди тераку толлар.
Шунча йил сиз менга қилгансиз бардош,
Севги деб йиғлаган қизлар, аёллар.

МУҲАББАТ ИЗИ

Муҳаббат қаритди мени, эй жоним,
Муҳаббат танадан кетгазди дармон.
Совуди бир вақтлар қайнаган қоним,
Тамғалар қолдирди юракка армон.
Оқ сочлар ўрмалаб чиқди калладан,
Ажинлар юзимга келди бостириб.
Севги эсталиқдур ёшлик палладан,
Бўйнимга тошини қўйди остириб.
Излади севгини толиқиб кўзлар,
Муҳаббат ортидан қолдирди бир из.
Мияда ўрнашди севгидан сўзлар,
Қайларда юрибсиз сеҳрлаган қиз?
Кун сайин кўринар ишқнинг поёни,
Фақат севги дея ҳайқирар юрак.
Бир кун бузилса ҳам ҳаёт айвони,
Оллоҳга минг шуқр қилишим керак.

СЕВИШГАНЛАРГА

Замон-замон бўлиб ўтишди йиллар,
Умр дарёсида боғланди диллар.
Мангу оловини ёқиб муҳаббат,
Рўмол учларидек тугилсин фақат.
Азиз инсон сизга азиздир мудом,
Дилнинг булоғидан сув ичган калом.
Икки йўл бошидан олинсин тўсиқ,
Баралла куйлансин севгидан кўшиқ.
Рост эрур қанчалар оғир оқибат,
Олис-олислардан кўшилган қисмат.
Ҳамон висол учун талпинар мақсад,
Инсон севги билан тирикдур фазл.
Мен ҳам бу шеъримни айладим тортиқ,
Бахтдан ўзга нима тилайин ортиқ.

ҲАЁТ ДАФТАРИ

Неча бор ёзилиб, не бор чатилди,
Варағи йиртилиб пўсти катилди.
Неча бор ўқилиб ерга отилди,
Менинг ҳаётимнинг ўчмас дафтари.

Кўлдан кўлга ўтиб ўқилган сари,
Ҳавога учишди унинг ҳарфлари.
Қайларга отилди қоғоз каптари,
Менинг ҳаётимнинг ўчмас дафтари.

Унда қанча пинҳон сўзлар бор эди,
Мен деб излаган кўзлар бор эди.
Мен севган, севмаган қизлар бор эди,
Менинг ҳаётимнинг ўчмас дафтари.

Менга дейишса ҳам қайғудан нари,
Ҳаёт нуқтасини куйгунча ҳали.
Кўп марта ёзилиб чатилар бари,
Менинг ҳаётимнинг ўчмас дафтари.

ҲАЁТ ДАВОМ ЭТАВЕРАДИ

Кунлар сувдек оқаверади,
Кимдир кимга ёқаверади.
Кимдир никоҳ узукни ечса,
Яна кимдир тақаверади.

Йигит қизга боқаверади,
Дилни севги ёқаверади.
Кимдир рози, ким эса йўқ дер,
Совчи эшик қоқаверади.

Тўй деб пулни сочаверади,
Уй эшигин очаверади.
Ҳотин эса бўғзидан олса,
Йигит уйдан қочаверади.

ҚАЛБИМДА МУҲАББАТ ОЧГАНДА ЧЕЧАК

Вазира Қизимга

Сен севгим богида очиган лола,
Уғил деб кутганим бўлдинг қизбола.
Қолган умрим энди сенга ҳавола,
Номинг юрагимдан чиққан Вазира.

Майли қизлар билан тўлсаям этак,
Қалбимда муҳаббат очганда чечак.
Сен билан намоён бўлди келажак,
Номинг юрагимдан чиққан Вазира.

Бахт ила шодликлар сенга армуғон,
Улуғ мақсадларга очилсин имкон.
Қизим тилаким шу-бўл азиз инсон,
Номинг юрагимдан чиққан Вазира.

ҚИЗГИНА

Йўлинг ёруғ ой билан,
Дилни тешдинг ёй билан.
Бўлмоқчисан бой билан,
Мен севган қиз, қизгина,
Сен чиройли юзгина.

Санаб ўтдим мен кунни,
Ишқинг қилди-ку жинни.
Бедор ўтказдим тунни,
Мен севган қиз, қизгина,
Сен чиройлик юзгина.

Қўлга олиб қаламни,
Кимдан олай аламни?
Севдим сендай лоламни,
Мен севган қиз қизгина,
Сен чиройлик юзгина.

ЙЎҚ

Мен сизни юракдан ўчирганим йўқ,
Сизни армонларга кўчирганим йўқ,
Айрилиқ сувидан ичирганим йўқ,
Жоним сиздан бўлсин доим кўнглим тўқ.

Хуркак охудайин қочирганим йўқ,
Тақдирдан мен фоллар очирганим йўқ,
Бошингиздан гуллар сочирганим йўқ,
Жоним сиздан бўлсин доим кўнгилим тўқ.

Сиздан мен севгимни яширганим йўқ,
Йўгимни бор қилиб оширганим йўқ,
Мени ҳам севинг деб шоширганим йўқ,
Жоним сиздан бўлсин доим кўнглим тўқ.

ХОТИН

Севгидан энтикиб сурсамда хаёл,
Тутманг сиз ҳеч қачон рашк деган отни.
Сиз менинг умримда ягона аёл,
Сиздан бошқа менинг кимим бор хотин?!

Шеърларга ёзганман отларни қўйиб,
Кўкларга кўтариб аёллар зотин.
Ахир ёзганманку ҳазилга йўйиб,
Сиздан бошқа менинг кимим бор хотин?!

Ким ҳам эсламайди ўз севган ёрин,
Шеърларга жо этдим кўнгили изҳорин.
Сизга сўзлай дедим юракда борин,
Сиздан бошқа менинг кимим бор хотин?!

Баъзан ўксинтирган мени бу ҳаёт,
Йўлимда боғланди қанчалар тугун.
Менам қисматингга шерик одамзод,
Сиздан бошқа менинг кимим бор хотин?!

БАҲОР ЭДИ ЎШАНДА

Кунлар ўтиб бир куни,
Айни баҳор чоғ эди.
Эслаб қолдим шу кунни,
Кўнглим жуда тоғ эди.

Яшнардингиз гул каби,
Юрак ўртанди бежо.
Сизни севмоқ сабаби,
Дилга солибди худо.

Мен қучдим гўё кўкни,
Яйрадим мисли қаптар.
Ютиб ишқ деган ўкни,
Шеър ёздим неча дафтар.

Нафасни ичга ютиб,
Сизга этгандим баён.
Рад эдингиз сиз кулиб,
Пичоқсиз сўйиб жонон.

Зулмат қоплади кунни,
Фикрлар илма тешик.
Ишқ уйда мен жинни,
Ёпиб кетдингиз эшик.

Сочга гўё ёғди қор,
Сўлиди қулган юзим.
Мендан қилдингизми ор,
Еки ёқмадим ўзим?

Сизни севган ўша дам,
Баҳор эди қисқаси.
Энди баҳор келса ҳам,
Қишнинг келар нафаси.

ЧАРОСХОНГА

Бугун сиз бўлибсиз гўзал келинчак,
Бунда айтишмоқда ҳофизлар ёр-ёр.
Доимо сиз билан бўлсин беланчак,
Куёв сизга ёру сиз бўлинг дилдор.

Орзу тилагингиз ушалсин ҳар дам,
Бахт бўлсин ҳаётда йўлчи-ю йўлдош.
Меҳру муҳаббатга боғлансин дил ҳам,
Куёв гар ер бўлса, сиз бўлинг қуёш.

Борган уйингизга киринг нур бўлиб,
Остона ҳатлайлик очинг сиз эшик.
Бахтни қарши олинг очилиб қулиб,
Синглим, келтирайлик сизгаям бешик.

АЛДАНДИМ

Кўзларим йўлингга пойлоқчи,
Буларми хислар ҳам алдоқчи.
Кулогим сўзларга айғоқчи,
Бунчалар бойланиб меҳрингга,
Қандайин алдандим сеҳрингга.

Юракда севгидан жароҳат,
Бунчалар экансан аломат.
Худодан кутиб мен каромат,
Бунчалар бойланиб меҳрингга,
Қандайин алдандим сеҳрингга.

Тиканлар санчилса пошнамга,
Дардимни айтаман ошнамга.
Чидайман таънаю дашномга,
Бунчалар бойланиб меҳрингга,
Қандайин алдандим сеҳрингга.

Муҳаббат мен учун дард эмас,
Севмаган эркаклар мард эмас.
Севгач сўнг афсуслар шарт эмас,
Бунчалар бойланиб меҳрингга,
Қандайин алдандим сеҳрингга.

УМР ЙЎЛДОШИМГА

Сиздан ўзга менга ёр эмас,
Мен куйчига қизлар зор эмас.
Кучоғимда ўзга бор эмас,
Хотин сизку умр йўлдошим,
Бир ёстиққа қўйилган бошим.

Кўнгил қурғур нелар демайди,
Кимларга кўз бориб кетмайди.
Сиздан ўзга ғамим емайди,
Хотин сизку умр йўлдошим,
Бир ёстиққа қўйилган бошим.

Кўп қизларга атаб шеър ёздим,
Севдим дея кўп марта оздим.
Узимга мен ўзим чоҳ қаздим,
Хотин сизку мур йўлдошим,
Бир ёстиққа қўйилган бошим.

Болаларку жуда ҳали ёш,
Кўз деб билмай қўйишади қош.
Барчасидан тилайман бардош,
Хотин сизку умр йўлдошим,
Бир ёстиққа қўйилган бошим.

Бир ўтириб ўйласам тунов,
Тақдир йўли қўйди кўп синов.
Уртамизда йўқ экан алдов,
Хотин сизку умр йўлдошим,
Бир ёстиққа қўйилган бошим.

МУҲАББАТИМ ЧЎҒИ БОР

Кўнглим оппоқ қордай беғубор,
Унда ёрим сизнинг севги бор.
Қалбимни қоплаган асло муз эмас,
Муҳаббат қуёши ёққан чўғи бор.

Қишни совуғимас мени титратган,
Оғриқмас тунлари мени бўзлатган.
Ёрим сизни фақат сизни севгингиз,
Менга қувват бериб, сизни излатган.

Гоҳида қор қоплар менинг йўлимни,
Бўронга гоҳ қарши кўйгум қўлимни.
Тинмайин чорлайди сиздаги шуъла,
Бир қараб кўяман ўнгу сўлимни.

Дерлар муҳаббатнинг тимсоли баҳор,
Қай булбул гулига булғувсидир зор.
Келдим инсон бўлиб булбулдек яшаб,
Қўлимда қаламу, дилда ёрим бор.

МУНДАРИЖА

Севдим.....	3
Сенинг жавобинг.....	4
Севгим.....	4
Ишқингда ёниб.....	5
Шеърларим.....	5
Аёллар.....	6
Муаллим.....	7
Янги йил.....	7
Армон.....	8
Кутлов.....	8
Ачинаман.....	9
Наврўз.....	10
Севги азоби.....	10
Сизга бағишладим.....	11
Хаёт тўхтамас.....	12
Кутганим.....	13
Умр чироғи.....	14
Маржона қизимга.....	14
Шеърларим қолди.....	15
Синфдошларим.....	15
Тинглашса бўлди.....	16
Сизга.....	16
Шоир боламан.....	17
Бандиман.....	18
Ватан.....	18
Муборак бўлсин.....	19
Келин-куёвларга.....	19
Қизлар, аёллар.....	20
Муҳаббат изи.....	20
Севишганларга.....	21
Хаёт дафтари.....	21
Хаёт давом этаверади.....	22
Қалбимда муҳаббат очганда чечак.....	23
Қизгинам.....	24
Йўқ.....	25
Хотин.....	25
Баҳор эди ўшанда.....	26
Чаросконга.....	27
Алдандим.....	28
Умр йўлдошим.....	29
Муҳаббатим чўғи бор.....	30

Нурилла ОРИПОВ

УМИД ШУЪЛАСИ

Шеърлар

*Муҳаррир: Йўлдошбек Кенжа.
Техник муҳаррир: Самандар Мусаев.
Мусахҳиҳ: Мусо Тўлаганов
Компьютерчи: Алиёр Муродов*

ИБ № 0862

Теришга 3. 05. 2005 йилда берилди. Босишга 18.05. 2005 йилда рухсат этилди. Бичими 60x84 $\frac{1}{32}$. Газета қоғози. Офсет усулида чоп этилди. Шартли босма табоғи 1,9 Шартли бўёқ-оттиск 1,7 Нашр босма табоғи 2,0. 500 нусхада. 50 2005 -шартнома 20-76 буюртма. Эркин нархда.

“Насаф” нашриёти, 730018, Қарши шаҳри, Мустақиллик шоҳ кўчаси, 22-уй.

„Графика“ МЧЖ. Қарши шаҳри, Мустақиллик шоҳ кўчаси.